



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

# ՄԵՐ ԷԺԱՆԱԳԻՆ ԳՐԱԴԱՐԱՆԸ



ՃԽՄԱՐԻՑ

ՄԵԾՈՒԹԻՒՆԸ

891. 99

Ճ - 86

1904

Ս.-ՊԵՏԵՐԱՌԻՐԳ

891.99

Ժ-86

պ

6 NOV 2011

ՄԵՐ ԷԺԱՆԱԳԻՆ ԳՐԱԳԱՐԱՆԸ

Հրատ. տիկին Զարեղի

# ՃԵՄԱՐԻՏ ՄԵԾՈՒԹԻՒՆԸ

(ՍՐԵԻԵԼԵԱՆ ԱԻԱՆԴՈՒԹԻՒՆ)

1651



Ս.-ՊԵՏԵՐԲՈՒՐԳ

«ՊՈՒՇԿԻՆԵԱՆ ՏՊԱՐԱՆ»

1904.



20 Jun 2013

41/35

Дозвол. ценз. С.-Петербургъ, 12 Апрелья 1904 г.



4749  
41

„Пушкинская Скоропечатня“, Лештуковъ, 4.



ՃՇՄԱՐԻՏ ՄԵԾՈՒԹԻՒՆԸ

(Արեւելեան դրոյց)

Ա.

Հին ժամանակներն Ասիայի Մուսուլ քաղաքում ապրում էր մի ծերունի՝ Մահմեդ-Ալի անունով, որին ամենքը յարգում էին:

Նրան շատերն էին ճանաչում, շատերն էին պատում անհամար հարստութեան և մեծ առևտրի համար, որ նա ունէր հեռավոր երկիրների հետ: Ուրիշները նրան զովաբանում էին հիւրասիրութեան, աղ ու հացի համար:

Նրա շքեղ պալատի դուռը բաց էր ամեն մի օտարականի առաջ: Մահմեդ-Ալին հաւասարապէս քաղցրութեամբ ընդունում էր թէ՛



հարուստին և թէ աղքատին, թէ՛ օտարակա-  
նին և թէ հայրենակցին: Նիւրին տանու՞մ էին  
ներս շքեղ զարդարուած զահլիճները և ամեն  
կերպ պատուում:

Մի քանիսն էլ Մահմեդ-Ալիին սիրում  
էին նրա լուսաւոր մտքի և արգարասէր, պարզ  
բնաւորութեան համար:

Ծանր ու դժուար բողկներին այդ երկրի  
խալիֆը շատ անգամ էր Մահմեդ-Ալիին խոր-  
հրդակցութեան կանչում և իմաստուն ծե-  
րունու խորհուրդները միշտ խաղաղասէր ու  
խելօք էին լինում:

Մուսուլի բնակիչները նրա խօսքին այն-  
քան մեծ նշանակութիւն էին տալիս, որ իրանց  
վէճերն ու կռիւները նրա վճռին էին թող-  
նում, և արգարամիտ ծերունին կռուողներին  
աշխատում էր հաշտեցնել, իսկ զրկուածներին  
ամեն կերպ պաշտպանել: Նրա վճիւր միշտ  
արդար էր համարուում:

Ծերութեան տարիներում Մահմեդ-Ալին  
շատ անկեղծ բարեկամներ ունէր այն անձինք-  
ներից, որոնց խելայի խորհուրդներ էր աուել  
և օգնութիւն հասցրել:

Ի այց ծերունին համեստ էր և մարդկանց  
առաջ բորբոքին չէր հպարտանում ո՛չ իւր բա-  
րի գործերով, ո՛չ էլ բարձր անունով, մտածե-

լով թէ այն բոլորը, ինչ որ ունի, ստացել է  
Ալլահի ողորմութեամբ:

Մահմեդ-Ալիի ամենամեծ ուրախութիւնն  
ու զլխաւոր յոյսը իւր երկու որդիքն էին:

Երբ սրանք մեծացան, Մահմեդ-Ալին ար-  
դէն ծերութեան հասակումն էր, նրա մաղերն  
սպիտակել էին: Իսկ նրանց մայրը վաղուց ար-  
դէն մեռել էր:

Մեծ որդին՝ Զաֆարը, բարձրահասակ, գե-  
ղեցիկ, համարձակ և կարուկ հայեացքով պա-  
տանի էր: Մարմնով պնդակազմ և առողջ էր,  
իսկ բնաւորութեամբ անհանգիստ ու տաք  
արիւն. գեռ երեխայութիւնից քաշագործու-  
թիւնների և փառքի մասին էր մտածում, աշ-  
խատում էր ընկերների մէջ ամեն բանով առա-  
ջինը լինել՝ թէ ուսումով և թէ խաղերով:

Փոքր որդին, Նուրէղլինը խոնարհ ու մաաճ-  
կոտ էր. նա երգիչ էր և շատ էր մխիթար-  
ւում իր երգերով: Նրա հոգու քնքշութիւնն  
ու բարութիւնը յայանի էին Մուսուլի բո-  
լոր աղքատներին և երեխաներին. նրա գոր-  
ծերը համեստ էին և խաղաղ:

Մեծ որդին սիրում էր գէնք, փարթամ  
ու շքեղ կեանք, ուրախութիւն ու խրախմանք,  
փառնապալից գործեր: Իսկ Նուրէղլինը սիրում  
էր աստղալից գիշերներ լուսնի լուսով լուսա-



ւորուած խաղաղ զետեր, թռչունների առաւօտեան երգը շքեղ բուրաստանում:

Գիշերներն ամբողջ ժամեր նա անց էր կացնում հօր տան տափակ կտուրի վրայ, տարւում էր իր մտքերին, կամ երգեր էր յօրինում Ս.սառուծոյ մեծութեան ու աշխարհի հրաշալիքների մասին:

Երկու եղբայրների մասին խօսելիս մարդիկ ասում էին, որ մեծը նման է պրոդ-տապող կէսօրին, իսկ փոքրը՝ խաղաղ, պարզ երեկոյի:

Եւ դժուար էր որոշել, թէ եղբայրներից ո՞րն էր աւելի լաւը:

Ծերունի Մահմեդ-Սլին երկուսին էլ սիրում էր հաւասար չափով: Նա ուրախութեամբ և սրտի բարախումով դիտում էր, թէ ի՞նչպէս են մեծանում իր որդիքը:

— Ես ուզում եմ մեծ մարդ լինել, շատ անգամ ասում էր Զաֆարն իր հօրը: Եւ նրա դէմքից երևում էր, թէ ի՞նչպէս հաւատում է իր ոյժերին, ինչպէս աներկիւղ սիրտ ունի: Եւ նրա հայեացքը՝ կարծես թէ տեսնելով մի բարձր, երևելի, գրաւիչ բան՝ կրակոտւում էր:

— Սյդ հեշտ բան չէ, որդիս, հանդարտ պատասխանում էր հօրը: Դժուար է հասկանալ և գիտենալ, թէ ի՞նչն է ձձմարիտ մեծութիւնը:

— Ես ուզում եմ բարի լինել, ասում էր Նուրէղդինը զեռ մանուկ հասակում և մտածկոտ հայեացքն ուղղում էր դէպի փողոց:

Սյնտեղ, փողոցում, տար-տապ օրերին արևի տակ ու փոշու մէջ բաց գլուխներով, ծանրաքայլ անցնում են ստրուկները՝ բեռնաւորուած ուղտերի ու էշերի հետ խառն. անցնում են շտապով ծառաներն՝ իրանց տէրերի հրամանը կատարելու:

Խեղճ կանայք փաթաթուած չաղբանների մէջ, շտապով վազում են իրանց երեխաների և ամուսինների հօգսր քաշելու:

Ահա զնում է պատուաւած ու կեղտոտ գգեստով մի մուրացիկ տղայ և աչքերը չորս կողմն է դարձնում, որ արևի այրող ճառագայթներից պաշտպանուելու համար մի ստուերոտ տեղ գտնի:

Եւ Նուրէղդինը նայում էր փողոց և ինքն իրան մտածում.

— Ի՞նչքան հով և լաւ է իմ հօր քարէ պալատում և ի՞նչքան շատ բան կայ այստեղ ուտելու, խմելու, հագնելու: Իսկ այնտեղ, փողոցում, մարդիկ առանց հանգստութեան զէս ու զէն են վազում, հացի հոգս են քաշում: Եւ կան այնպիսիներ, ինչպէս այդ մուրացիկ տղան,



որ չգիտէ թէ շոգից ու ծարաւից ո՞ւր թաք-  
նուի:

Եւ Նուրէզգիինը արցունքով լի հայեացքը  
դարձնում էր հօրը:

Առանց խօսելու՝ հայրը հասկանում էր  
որդու սիրտը, շոյում էր նրա գլուխը և ծա-  
ռային ուղարկում, որ կանչի մուրացիկ տղին:

Եւ ծառան հրաւիրում էր մուրացկանին  
Նուրէզգիինի հօր հիւրասէր յարկի տակ հան-  
գիստ վայելելու:

Աղքատին հազուստ ու կերակուր էին տա-  
լիս, քաղցր խօսքերով մխիթարում էին: Եւ  
նա այնտեղից դուրս էր գալիս ուրախ ու զուարթ,  
երկինքն օրհնելով:

Յետոյ, երբ Նուրէզգիինը մեծացաւ և կարող  
էր արդէն իր կամքով գործել, սրտի ուղղածն անել,  
յաճախ առաւօտը վաղ՝ առանց մարդու բան  
ասելու, դուրս էր դալիս տանից ու գնում:

Այդ գիտէին աղքատներն ու անտունները,  
հիւանդներն ու խեղճերը:

Եւ նա օգնում էր նրանց, որքան որ կա-  
րող էր: Նորա հայրը առատածնուն էր և որ-  
դուն միշտ էր տալիս աղքատին չքաւորու-  
թիւնից ազատելու:

Բայց ամենքից շատ Նուրէզգիինը սիրում  
էր խնամք տանել հիւանդներին ու տկարներին,

անդամալոյծներին ու անտէրներին: Նա ծա-  
ռայում էր նրանց և դեղ տալիս, չէր զգուժում  
ոչ մի հիւանդից, չէր վախենում վարակուելուց:  
Նրա հասցրած սիրալիր օգնութիւնն ու բարի  
խօսքը մեծ մխիթարանք էր ճնշուածին և  
զրկուածին. նրա ղթոտ խնամքը փափկացնում  
ու փրկում էր Աստուծոյ ու մարդոց դէմ չա-  
րացած անբաղդ սրտերը:

Շատ անգամ էին տեսնում քաղաքացիք,  
թէ ինչպէս երեկոնները սոււն էր դառնում նա  
որեւէ մուրացիկ ու հիւանդի հետ: Նրան շրջա-  
պատում էին և ուրախ աղաղակներով ուղեկ-  
ցում քաղաքի երեխաները:

Տուն բերելով՝ Նուրէզգիինը հոգում էր  
հիւրի ամեն մի կարիքը և յետոյ դուրս գա-  
լով՝ նստում էր գետնի վրայ. նրան շրջապա-  
տում էին երեխաներ և նա պատմում էր նրանց  
հրաշալի հեքեաթներ, երգում էր նրանց հետ  
երգեր ու աղօթքներ:

Այդ բոլորը անում էր այնպէս հանդիսա,  
համեստ ու աննկատելի կերպով, որ քչերն էին  
տեսնում նրա բոլոր գործերը:

Շատ անգամ նոյնիսկ նրա հարազատ եղ-  
բայրը, Ջաֆարը, զարմանում էր և չէր հաս-  
կանում թէ ի՞նչ բաւականութիւն է միշտ այդ-  
պիսի գործերով զբաղուելը:



Այդպէս էին մեծանում երկու եղբայրները  
և չնայելով նրանց բնաւորութեան ու ցանկու-  
թիւնների տարբերութեան՝ նրանք իրար հետ  
հաշտ էին և սիրում էին միմեանց:

Բ

Ջաֆարը քսան տարեկան դարձաւ: Նա  
երազում էր, թէ ի՛նչպիսի գործեր, ի՛նչպիսի  
երեւելի, փառաւոր գործեր պէտք է կատարէ,  
ի՛նչպիսի անուն պէտք է վաստակէ:

Նա զարդացած էր, տաղանդաւոր, ճար-  
պիկ՝ ոյժով ու խելքով: Ոչ ոք Մուսուլում նրա  
նման ծի չէր նստում, ոչ ոք նրա նման նշան  
չէր առնում:

— Փառք, փառք, ինձ փառք պէտք է,  
մտածում էր միշտ պատանի Ջաֆարը:

Եւ երկինքը կատարեց նրա ցանկու-  
թիւնը:

Մուսուլի խալիֆը հարեան երկրի դէմ  
պատերազմ բացեց: Երկու կողմերն էլ կռուում  
էին կատաղութեամբ: Խալիֆի ամենալաւ զո-  
րապետներն ընկան և զօրքը սկսեց պարտու-  
թիւններ կրել:

Ջաֆարը վճռեց, թէ փառք վաստակելու  
ժամը հասել է, և սկսեց հօրը խնդրել, որ թոյլ  
տայ իրան պատերազմ երթալու:

— Ես կը վերադառնամ փառքով, մեծ  
ժարդ դարձած, ո՛վ հայրիկ, ասում էր Ջա-  
ֆարը մնաս բարեւի ժամանակ:

Հայրը լռեց և տխրութեամբ որդուն ճա-  
նապարհ դրեց:

Անցան տարիներ. մէկ, երկու, երեք... վեր-  
ջապէս պատերազմը դադարեց:

Այդ տարիների ընթացքում երիտասարդ  
Ջաֆարը իւր քաջութեամբ ու խելքով յայտնի  
դարձաւ և քիչ ժամանակ անցած՝ զօրավար  
նշանակուեց:

Նա չարաչար յաղթեց իր թշնամիներին,  
յրեց նրանց զօրքը, նուաձեց մի քանի բաղաք  
և բազմաթիւ զերիներ բերեց:

Նրա յաղթութիւնների շնորհիւ խալիֆի  
երկիրը մեծացաւ, նուաճուած քաղաքները  
պարտաւորուեցան հարկ վճարել:

Եւ ահա Մուսուլի համար մեծ տօն էր.  
պատրաստում էր մի հազուադիւտ, չտեսնուած,  
փառաւոր հանդէս: Երեւելի զօրապետը իւր  
զօրքի ու զերիների հետ վերադառնալով պա-  
տերազմից՝ պէտք է փառքով անցնէր իւր հայ-  
րենի քաղաքից, որ ճանապարհի վրան էր  
դառնում:

Ամբոխը խմբուել էր քաղաքի դռան մօտ:  
Գորգեր ու ծաղիկներ ծածկում էին Ջաֆարի



ուղին: Զաֆարը իր հայրենի քաղաքի պար-  
ծանքն էր, փառքը, խալիֆի սիրելին էր:

Ծերեր ու երիտասարդներ, կանայք ու  
երեխաներ ամենքը անհամբեր ցնծու թեամբ սպա-  
սում էին, ակնապիշ նայում էին այն կողմը,  
որտեղից իրանց պարծանքը պէտք է երևար:

Ահա երևաց հանդարտաշարժ շքեղաշուք  
դնացքը:

Ամենքից առաջ, հրաշալի սպիտակ ձի  
նստած, գալիս էր Զաֆարը:

Ամբոխն ալեկոծուէց, հազարաւոր հետաքրք-  
րիչ հայեացքներ դարձան վրան և ողևորուած  
ու ցնծալից աղաղակները ողջունեցին նրան:

Հերոսի յետեից գալիս էին զինուորներով  
շրջապատուած շղթայակապ գերիներ:

Ծերունի Մահմեդ-Ալին որդուն դիմաւո-  
րելու համար քաղաքից դուրս չեկաւ, այլ սպա-  
սեց նրան իր տան առաջ, փոքր որդու ուսին  
կաթնած:

Հայրական տանը մօտենալով՝ Զաֆարն  
իջաւ ձիուց և զգացուած, յուզուած, զուարթ  
դէմքով մօտեցաւ ծերունի հօրը: Չորս կողմը  
լուսթիւն աիրեց. հերոսը մինչև գետին խո-  
նարհեց գլուխը, և երբ ծերունի հայրը բարձ-  
րացնելով նրան փաթաթուէց, Զաֆարը ցածր  
ծայնով հարցրեց.

— Հայր, արդեօք ես մեծ չե՞մ:

— Ոչ, որդիս, հազիւ լսելի ձայնով պա-  
տասխանեց ծերունին:

Այս խօսքերը ոչ ոք չլսեց, բայց ամենքն  
էլ տեսան, թէ ինչպէս մթազնեց այն մարդու  
երեսը, որի հայեացքից սարսափահար ու շփո-  
թուած փախչում էին թշնամիները. տեսան թէ  
ինչպէս գլուխը քաշ գցած մօտեցաւ ձիուն և  
թռչելով նրա վրայ՝ տխուր ու մտածկոտ շա-  
րունակեց ճանապարհը:

Նրան այլ ևս չէին ուրախացնում ոչ ամ-  
բոխի ողևորուած աղաղակները, ոչ նրա ճա-  
նապարհը ծածկող ծաղիկները:

Շուտով լուր տարածուէց, թէ մեծ զօ-  
րապետը, պետութեան յոյսն ու ապաւէնը  
անյայտացել է:

Գ

Անյան տարիներ:

Արևելքի մեծ պետութիւններից մէկուս  
երևաց մի երիտասարդ զիտնական:

Նրա անունը ամենքին յայտնի էր:

Ամեն տեղ խօսում էին, թէ ինչպէս զար-  
մանալի շնորհքով բժշկել է նա թագաւորի ան-  
բուժելի հիւանդութիւնը:

Պատմում էին, որ թագաւորն առաջար-  
կել է զիտնականին խնդրել իրանից, ինչ որ



սիրտն է ուզում, և թէ կստանայ ցանկացածը, որքան էլ այն թանկ արժենայ:

Երիտասարդ զիտնականը խնդրեց այն անապատը, որ թագաւորի երկրի մէջ ահադին տարածութիւն էր բռնում: Նա ջրելու և հողն արգաւանդ դարձնելու նոր միջոց հնարեց և կարճ ժամանակում անապատը բուրաստան դարձրեց: Ապա այդ հողը նուիրեց պետութեան:

Ահադին տարածութիւններն՝ որ առաջ անապատ էին, այժմ բնակատեղի դարձան: Երկրի հարստութիւնն աւելցաւ. բոլոր ժողովուրդը փառաբանում էր երիտասարդ զիտնական Ջաֆարին, որ բնութեան զազանիքներն էր հասկացէր:

Մի անգամ, ամառուայ խաղաղ երեկոներից մէկում, Մուսուլ մտաւ համեստ հագնուած մի երիտասարդ և Մահմեդ-Ալիի պալատը հասնելով՝ դուռը ծեծեց: Երբ ծառան դուռը բացեց, երիտասարդը՝ երեսը ծածկած, խնդրեց որ իրան տան տիրոջ մօտ տաննն:

Ծառան սկզբում չէր համաձայնում խորհրդաւոր անձանօթին ներս թողնել, բայց վերջապէս լսելով նրա թախանձանքին՝ եկուորին տարաւ իւր տիրոջ ննջարանը:

Ալեւոր Մահմեդ-Ալին, թեկն ընկած դիւանին՝ սուրճ էր խմում:

Անձանօթը համեստութեամբ կանգ առաւ դռն մօտ և սովորական ողջոյնի խօսքերն ասաց:

Նրա ծայնից ձերունին վեր թռաւ.

— Ջաֆար, դ՞ու ևս:

— Ե՛ս եմ, պատասխանեց Ջաֆարը:

— Ո՞րտեղ էիր մինչև այժմ, դո՛ւնց հայրը և փաթաթուէց որդուն:

— Ես փառք էի որոնում և ահա գտայ:

Ասա՛, արդեօք դու ոչինչ չե՞ս լսել թագաւորին բուժող հռչակաւոր բժշկի մասին: Արդեօք չե՞ս լսել այն երեւելի զիտնականի մասին, որն անապատը բուրաստան դարձրեց: Այժմ եկել եմ քեզ մօտ ո՛չ որպէս երկիր քանդող, ո՛չ իբրև սպանող, այլ խաղաղութեան ձիթէնին ձեռքիս: Բոլոր ժողովուրդը, ամեն ազգ, թէ՛ բարեկամ և թէ՛ թշնամի, իմ անունն են փառաբանում: Ասա՛, այժմ անշուշտ ինձ մեծ մարդ ես համարում, այնպէս չէ՞:

Ծերունին տխրութեամբ զլուխը շարժեց:

— Ո՛չ:

— Դարձեա՛լ ո՛չ, գոչեց որդին հօր պատասխանից շփոթուած: Եւ ծանր ախ քաշելով, խոնարհ զլուխ տուէց հօրն ու դուրս գնաց:

Նա հեռացաւ հայրենի քաղաքից:



Դ

Դարձեալ տարիներ անցան:

Արեւելքի բոլոր քաղաքներում կարգում էին նոր յայտնի գրողի ոտանավորները: Հին գրողների փառքը նսեմացաւ, նսեմացաւ նրա առաջ՝ ինչպէս խաւարում են աստղերը արեգակի փառաւոր լոյսի առաջ:

Նրա ոտանավորները կարգում էին ամեն տեղ, կարգում թէ՛ ճերունիները, և թէ՛ երիտասարդները, և փառաբանում էին Չափարի անունը:

Նրա փառքը հասաւ հայրենի Մուսուլին:

Մուսուլի խալիֆը՝ լսելով նրա անունը, հրամայեց գտնել նրան և հրաւիրել իր պալատը, պալատական գրող լինելու:

Բայց Չափարը թաղնում էր անցյառութեան մէջ և ոչ ոք նրան չէր տեսել, ամենքը նրա հոգեկաւոր անունը լսելով էին միայն ծանաչում:

Մի օր վաղ առաւօտ Մահմեդ-Ալիի դռանը մօտեցաւ փոշոտուած, յոգնած մի ճանապարհորդ, զաւաղանք մեռքին: Չնայելով նրա հագուստին և նիւսար ու յոգնած դէմքին՝ ծառաները իսկոյն ճանաչեցին Չափարին:

Տունը լցուեց ուրախութեան աղաղակներով:

Չափարին տարան հօր մօտ, որը առաւօտուայ աղօթքն էր կատարում:

Տարիները կռացրել էին ճերուկին, կրնձիւնները դէմքն էին ծածկել: Աղօթքը վերջացնելով՝ նա դարձաւ որդուն նոյն պարզ հայեացքով, խելօք ու բարի, անչափ սէր արտայայտող դէմքով:

— Ահա ես դարձեալ եկայ քեզ մօտ, հայր, և ուզում եմ քո դատաւճիտը լսել: Իմ ոտանավորները հոգեկան մխիթարութիւն ու բաւականութիւն են պատճառում ամենքին, և՛ հարուստին և՛ աղքատին: Իմ անունը յաւիտեանս պէտք է փառաւորուի, իմ գրածները երբէք չեն մոռացուիլ և իմ մահից յետոյ էլ նրանք կը կարդացուին, ինչպէս և այժմ: Ասա, արդեօք այժմ էլ մեծ մարդ չեմ:

Մերունին բարձրացրեց որդուն գետնից և պինդ փաթաթուելով կամաց շնչաց.

— Յաւում եմ վրադ, որդեակս, բայց ճշմարտութիւնը պէտք է ասեմ.— դու չես հասկանում, թէ ինչի մէջ է իսկական մեծութիւնը:

— Բայց ես նրան կգտնեմ, դուէն Չափարը:

— Նրան որոնելով չես գտնիլ, պատասխանեց հայրը:

Չափարը զլուսը խոնարհելով՝ դուրս եկաւ հայրենիքից:

159  
4749  
14





Ե

Անցաւ Հինգ տարի:

Մի խաղաղ լուսնեակ զիշեր ծերունի Մահմեդ-Ալին իւր տան կառուրր դուրս եկաւ մաքուր օդ շնչելու: Նա մտքերի մէջ խորասուզուած՝ նայում էր պարզ աստղալից երկնքին:

Յած նայելով՝ յանկարծ մի մարդ նկատեց, որ անվստահութեամբ շրջում էր պալատի պատերի տակ և կարծես չէր համարձակուած դուռը ձեծել: Ծերունին սկսեց լաւ դիտել և տեսաւ, որ շրջողը ցնցոտիներ հագած մի մարդ է: Բութիկ ոտքերից և բաց գլխից Մահմեդ-Ալին ճանաչեց, որ այդ մարդը անապատական-դարվիշ է: Ապա ծերունին ցած թեքուեց և կանչեց.

— Անցորդ, համարձակ ձեծիր դուռը: Իմ տունը միշտ բաց է ճանապարհորդների առաջ թէ զիշեր և թէ ցերեկ:

Սյդ ձայնը լսելով՝ դարվիշը ցնցուեց և պատից յետ քաշուեց: Աչքերը վերև ուղղեց, որ տեսնի խօսողին: Լուսինը լուսաւորեց նրա դալկացած յոգնած դէմքը:

Եւ յանկարծ ծերունին, լաւ դիտելով նրան, ճանաչեց որ սա իւր որդին է, թէև ձերացած ու արդէն մաշուած:

— Զաֆար, որդիս:

— Հայր, լսուեց ցածրից և հեկեկանքները խեղդեցին Զաֆարի ձայնը: Հայր, նայիր, ես հրաժարուեցայ աշխարհի ամեն վայելքներից: Հարստութիւն, պատիւ, փառք— բոլորը դատարկ բաներ են, ես այդ հասկացայ: Եւ ահա հեռացայ անապատ և միայն Աստուծուն նուիրեցի իմ բոլոր մտածմունքներս ու կեանքս: Ես ծառայում եմ Ալլահին խիստ պատիվ ու ծոծով, անդապար աղօթելով և ծանր զրկանքներ կրելով: Եւ միայն Ալլահից եմ սպասում փառքի պակիր: Ես հրաժարուեցայ աշխարհային փառքից և հասկացայ, թէ որքան չնչին ու փոքր էի հպարտութեամբս: Եւ այժմ ահա ինձ սուրբ են անուանում, և աշխարհի ամեն ծայրերից ինձ մօտ աշակերտներ են դալիս: Բայց այդ բոլորը ինձ չէ ուրախացնում, և միայն քո դատաւճախն եմ սպասում: Ասա, հայր, արդեօք քեզ չե՞մ հասկացել, հասե՞լ եմ արդեօք իսկական մեծութեան:

Եւ Զաֆարը լուեց: Սրտի բաբախումով պատասխանի էր սպասում:

Ծերունին լուռ տխրութեամբ նայեց նրան և սասց:

— Բո ինչի՞ն է պէտք իմ հաւանութիւնը, որդի: Սեփական խիղճդ քեզ ասում է, որ իսկական մեծութեան ճանապարհը չես գտել,



որովհետեւ քո մէջ դեռ կենդանի է հպարտութեան ու եսասիրութեան ոգին:

Այդ պատասխանը կայծակի նման հարուածեց Ջաֆարին: Նա պատին յենուեց և դառնութեամբ հեկեկաց: Ծերունին շտապեց կտուրից իջնել, որ որդուն ներս տանէ, բայց մինչև դուրս դալը Ջաֆարն արդէն անհետացել էր:

2

Շուտով երկիրը սարսափելի դժբաղդութեան մէջ ընկաւ: Դարձեալ կատաղի կոիւ սկսուեց հարեան խալիֆի հետ: Նա առիթ էր որոնում կոիւ սկսելու և յետ դարձնելու այն քաղաքները, որ խլել էր Ջաֆարը առաջին պատերազմի ժամանակ:

Այս անգամ Մուսուլի խալիֆի զորքը չլիմացաւ կատաղած թշնամու յարձակմանը: Նրա մի մասը շարդուեց, միւս մասը փախուստ տուեց: Թշնամին շատ քաղաքների տիրեց, ի միջի այլոց և Մուսուլին:

Յատկապէս Մահմեդ-Ալին մեծ կորուստներ ունեցաւ. թշնամին նրանից՝ որպէս Ջաֆարի հօրից, հանում էր իւր ոխը. Ջաֆարին Մուսուլում չգտնելով՝ նրանք թալանեցին ու աւերեցին այն բոլորը, որ ունէր Տերունի Մահմեդ-Ալին:

Կորան դարերի ընթացքում հաւաքուած գանձերը: Նրպէհը լափեց շքեղ պալատները: Ծառաների մի մասը կոտորուեցաւ, միւս մասը դերի տարուեցաւ:

Բայց Տերունու համար ամենից ծանր էր տեսնել, թէ ինչպէս գլխից վիրաւոր Նուրէդդինին շղթայակապ դերի են տանում, որ իւր Տերութեան ուրախութիւնն ու մխիթարութիւնն էր:

Եւ Նուրէդդինին ողբացողը միայն նրա հայրն ու ընտանիքը չէին:

Մուսուլի բնակիչներն, մանաւանդ աղքատներն ու անանկները բարձր հեկեկանքներով ու ողբերով ծանապարհ էին դնում իրանց սիրելուն:

Եւ նա զնում էր հանգիստ և հեղ, գլուխը խոնարհած. նրա աչքերը լի էին արցունքով. տխրութեամբ դիտում էր հայրենի քաղաքն ու թանկագին բարեկամներին:

Մահմեդ-Ալին չէր ավստսում ոչ իր նախկին հարստութեանը, ոչ փարթամ կեանքին:

Բայց նրա սիրտը կտրատուած էր, երբ որդու մասին էր մտածում և տեսնում Նուրէդդինի կնոջ տխրութիւնը:

Յուսկից ու լացից Տերունու տեսողութիւնը նուազեց և նա շուտով բոլորովին կուրացաւ:



Բայց չնայելով իր մեծամեծ կորուստներին և կուրուլթեանը՝ Մահմեդ-Ալին առաջուայ նման հաւասարապէս օգտակար էր ամեն մարդու.— երբ նա տեսնում էր ընկերոջ դժբաղդուլթիւնը, իր սեփական ցաւը մոռանում էր:

Երբ իր ջահիլ հարսի հետ մաշուած հաղուստով, կռայցած, անցնում էր շուկայից, մարչիկ նոյնպիսի քաղցրութեամբ դիմաւորում էին նրան և սիրալիր հրաւիրում իրանց մօտ հանդրատանալու: Շատերն այնտեղ դիմում էին նրա խորհրդին և կամ մխիթարական խօսք լսելու, և նա առաջուան պէս ուրիշներէ ցաւն ու դարդը իւր սրաին մօտ էր ընդունում և օգնութիւն հասցնում:

Նա նուրէզդինից մխիթարութիւն և օգնութիւն ստացող բոլոր խեղճերի բարեկամը դարձաւ: Սիրում էր նրանց հետ ժամանակ անցկացնել և լսել նրանց պատմութիւնները՝ նուրէզդինի ողորմութեան ու սիրող սրտի մասին:

Մահմեդ-Ալիի հին հարուստ բարեկամներէրից մի քանիսը առաջարկում էին ոչ միայն պատրաստի բնակարան, այլ և նորից առևտուր սկսելու համար մեծ գումարներ: Բայց Մահմեդ-Ալին անխռով ու հաւասարապէս մերժում էր ուրիշներից օգնութիւն ստանալ, որովհետև գիտէր որ ծերութեան հասակումն է և չի կա-

րող հատուցանել իւր պարտքերը և իւր դրժբախտութիւնը Ալլահի կամքն էր համարում. նա մարդկանցից այնքան էր օգնութիւն վերցնում որ սովամահ չմեռնի:

Ամենքը զարմանում էին թէ ինչպիսի համբերութեամբ ու տոկունութեամբ դիմանում է նա իւր ծանր վիճակին:

Բայց ոչ ոք չէր տեսնում, թէ ինչպէս խեղճ ծերուկը դիշերները տան կտուրին նստած՝ ողբում էր և խորը հառաչանքով զօղում.

— Որդիքս, ասի որդիքս:

է

Միայն մի մարդ լսեց ծերունու հառաչանքները:

Դա Ջաֆարն էր, որ նորից վերադարձել էր անապատից:

Նա շատ էր թափառել, որ զանի մեծ մարդ լինելու ճանապարհը: Վերջիվերջոյ նրա խելքը ու մարմնի ցոլը քայքայուեց և այնուհետև իրան մեծ գործ կատարելու անընդունակ համարելով, վհատեցաւ և մինչև իսկ մտածում էր ինքնասպանութիւն գործել:

Նա բռնեց Մուսուլի ճանապարհը, որպէս զի վերջին անգամ տեսնի հօրն ու եղբօրը, և վերջին հրաժեշտ տայ նրանց:



Եւ յանկարծ ճանապարհին հարեան զիւ-  
ղերի բնակիչներից լսեց Մուսուլի զլխին հասած  
գժբաղդութիւնը, իմացաւ թէ ի՞նչ վիճակի էին  
իւր հայրն ու եղբայրը:

Այդ լուրը Ջաֆարին սարսափահար արեց.  
նրան տանջում էր մանաւանդ այն միտքը, որ  
ինքն փառքի յետեւից ընկնելովը՝ հօր գժբախ-  
տութեան զլխաւոր պատճառն էր դարձել:

Ջաֆարը գիշերով միայն կարողացաւ հաս-  
նել իւր հայրենի քաղաքը:

Իր հօր պալատի տեղ այժմ աւերակներ  
միայն տեսաւ և սրտի կսկիծով սկսեց թափա-  
ռել դատարկ փողոցներում:

Այդպէս թափառելիս մի տան կտուրին  
նա մի կռացած ծերունի տեսաւ:

Ծերուկը նստել էր, չոր ձեռներով բռնել  
ճնկները և յուսահատութեամբ օրօրում էր.

— Ախ, որդի՛քս, որդի՛քս, լսուեց ծերու-  
նու հեծկտացող ձայնը:

Ջաֆարը յուզուած սկսեց զիտել ծերու-  
նու դէմքը, որ լուսաւորուած էր լուսնի լու-  
սով: Եւ նա ճանաչեց իր հօրը: Եւ արդէն ու-  
ղում էր ձայն տալ նրան, երբ կտուրը բարձ-  
րացաւ իր եղբոր մանկամարդ կիներ: Հարսը չո-  
քեց ծերունու առաջ, զլուխը դրեց նրա ուսին  
և սկսեց խորը հառաչել: Ծերունին քաղցրու-

թեամբ շոյեց նրա զլուխը և ցածր ձայնով մի  
բան շնչաց: Ջաֆարը վերջին խօսքերը միայն  
լսեց.—

— Ես դեռ յոյս ունիմ, որ Ջաֆարս կը  
վերադառնայ և այն ժամանակ այսպէս մենակ  
չենք լինիլ:

Բայց հարսը, Նուրեղղինի կինը, յուսա-  
հատութեամբ զլուխը շարժեց.—

— Ոչ, ասաց, Ջաֆարը չի կարող փոխա-  
րինել Նուրեղղինին, նա ինձ համար օտար մարդ  
է, ես նրան չեմ ճանաչում: Նա հանդիստ ըն-  
տանեկան կեանքի համար էլ ստեղծուած չէ,  
միայն իրան է սիրում և միայն անձնական  
փառքն է որոնում:

— Այդ ճշմարիտ է, հարսս, տխրութեամբ  
ասաց ծերունին, բայց դու չես ճանաչում նրա  
այնիւ ու վեհանձն հոգին: Եթէ իմանար, որ  
մենք գժբաղդութեան մէջ եւք, անպատճառ  
մեղ օգնելու համար սմէն բան կանէր, ինչ որ  
կարոյ էր անել:

Մանկամարդ կիներ դառնութեամբ պա-  
տասխանեց.

— Ես երբէք չեմ ներիլ Ջաֆարին, քանի  
որ մեր դժբաղդութեան պատճառը դարձաւ:  
Եթէ Ջաֆարը չլինէր, Նուրեղղինը այժմ զե-  
րութեան մէջ չէր տանջուիլ:



Ձափարն այլ ևս չկարողացաւ ականջ դնել:

Նրա ամեն մի խօսքը դանակի պէս խոցում էր իւր սիրտը: Հեկեկանքները խեղդեցին նրան, և երկու ձեռքով զուլսը բռնած՝ փախաւ սարսափելի տեղից:

Քաղաքից դուրս կանգ առաւ Ձափարը, ծունկ չոքեց և դառն արցունքով սկսեց Ալլահին խնդրել, որ ընդունի իւր զղջումը և սովորեցնէ թէ ինչ պէտք է անել: Ամբողջ գիշերն անցկացրեց մտածածունքի մէջ և Ալլահին աղօթելով՝ առաւօտեան արդէն զիտէր թէ ինչ պէտք է անել:

Ձափարը հրաժեշտ տուեց հայրենի քաղաքին և առանց կանգ առնելու անցաւ դիւզից դիւզ, քաղաքից քաղաք, կերակրուեց ողորմութեամբ և վերջապէս հասաւ Նուրէդդինին գերի տանող թշնամու մայրաքաղաքը:

Ը

Ձափարը հասաւ թշնամու զլխաւոր քաղաքը. յիշեց՝ թէ ինչպէս մի օր այս քաղաքն էր մտնում յաղթական փառքով, ինչպէս իւր առաջ ամեն ինչ խոնարհվում էր. իսկ այժմ մտնում է յնցօտիներով, որպէս մուրացիկ:

Գալով խալիֆի քաղաքը, սկսեց խնդրել որ իրան թող տան խալիֆին տեսնելու և իւր

խնդիրը յայանելու, բայց պահապանները նրան հեռացնում էին:

Բայց նա պալատից չհեռացաւ և լսելով որ խալիֆը զբօսնելու պէտք է զնայ, նրան սպասեց:

Այսպէս սպասեց ամբողջ երեք օր:

Հարաւային արևը այրում էր նրան. անապատի քամին փչում էր և նրա զլխին տաք կրակ դարձած աւազ թափում: Բայց նա վճռել էր պալատի դռնից չհեռանալ, միմիայն երբ ողորմութիւն խնդրել պէտք լինէր հարևան աներից:

Վերջապէս չորրորդ օրը խալիֆը պէտք է բազէով որսի զնար:

Ահա բացուեցան դռները և գեղեցիկ ձիեր նստած դուրս եկան պալատականները:

Ինքը խալիֆը հրաշալի սպիտակ ձիով, ձեռքին բազէ բռնած, հպարտութեամբ անցնում էր:

Բոլոր տեսնողներն ու անցորդները ծունկ չոքեցին նրա առաջ և ողջունեցին: Ձափարը նոյնպէս զլուխը խոնարհեց և չօքած արտասուելից աչքերով զօչեց:

— Լսի՛ր ինձ, ողորմած խալիֆ:

Բայց խալիֆը մուրացիկների հետ խօսելու ժամանակ չունէր. նա առանց կանգնելու անցաւ:



Սյր տեսնելով՝ մօտը կանգնած պահապանն  
ասաց:

— Սպասիր, երբ որսից դառնայ, այն ժա-  
մանակ խնդրիր: Եւ եթէ որսը յաշող լինի՝  
խալիֆը ողորմածութեամբ կը վերաբերուի քեզ,  
խսկ եթէ ոչ, դիմելիք աւելորդ է:

Ջաֆարը դարձեալ մնաց սպասելու և երբ  
տեսաւ, որ հեռուից երևում են վերադարձող  
պալատական ոչսորդները, առաջ անցաւ, կանդ-  
նեց ճանապարհին. երբ խալիֆը մօտեցաւ, գե-  
տին ընկաւ Ջաֆարը և բարձրաձայն աղաչեց,  
որ լսէ իրան:

Խալիֆը ձին կանգնեցրեց և հարցրեց.

— Ի՞նչ է ուզում այս մուրացիկը:

— Մեծ յաղթող, քաջ զօրապետ, ասաց  
նա, թող Սլլահը քո սիրտը գութ զցէ, լսիր  
չնչին ստրուկի խնդիրը, որի կեանքը քո ձեռին է:

— Ո՞վ ես, հարցրեց խալիֆը:

— Ես եկել եմ քո աւերած Մուսուլ քա-  
ղաքից: Քեզ մօտ գերութեան մէջ տանջւում  
է Մահմեդ-Սլիի որդի Նուրէդդինը: Մտածիր,  
խալիֆ, ինչի՞դ է պետք այն թոյլ ու խաղաղ  
արարածը: Խղձա՛ նրա կոյր հօրը, արձակիր  
Նուրէդդինին:

— Ի՞նչպէս համարձակուում ես անհանգրս-  
տացինը ինձ այդպիսի դառարկ բաներով, ան-

բաւականութեամբ զօչեց խալիֆը. ոչ ոք իր  
զերիներին բաց չէ թողնում ձրի: Գնա ասա,  
թող ճերունին քեզից աւելի խելօք դեսպան  
ուղարկէ, հետն էլ թանկագին նուէրներ, այն  
ժամանակ միայն ականջ կը դնեմ նրա դես-  
պանին:

Եւ յօնքերը կ'իտելով՝ խալիֆը ուզում էր  
առաջ անցնել, բայց Ջաֆարն աւելի կսկծալի  
ձայնով աղերսեց.

— Խալիֆ, մինչև վերջը լսիր խնդիրս:  
Ծերունի Մահմեդ-Սլին քո պատերազմների  
պատճառով բոլորովին աղքատացել է: Նա ոչինչ  
չի կարող տալ քեզ իր որդու փոխարէն: Ես  
եկել եմ Նուրէդդինի փոխարէն նրա միւս որ-  
դուն Ջաֆարին առաջարկելու քեզ որպէս զերի:

— Ջաֆարին, զօչեց խալիֆը, իմ հօր այն  
ամենակատաղի թշնամուն, այն Ջաֆարին, որ  
այնքան դժբաղդութիւններ է բերել մեր երկրի  
գլխին, արեան գետեր է հոսեցրել մեր հայրե-  
նիքում: Ո՛հ, եթէ նա իմ ձեռքն ընկնէր, տա-  
լիս եմ իշխանական հաստատ խօսք, որ առանց  
տատանուելու նրա փոխարէն կը տայի իմ զե-  
րիններից որին որ ուզէին:

— Վկայ եմ կանչում Սլլահին, որ Ջաֆարը  
հէնց այն օրը քո զերին կը լինի, երբ կար-  
ձակես Նուրէդդինին, ասաց Ջաֆարը:



— Չէ, առաջ նրան բեր ինձ մօտ, յետոյ կարծակեմ Նուրէզդիինին:

Մի քանի վայրկեան Չափարը տատանուում էր. բայց յետոյ, մարմինը ուղղելով համարձակութեամբ խալիֆի աչքերին նայեց ու հաստատ ձայնով ասաց.

— Բռնիր ինձ, Չափարը ե՛ս եմ:

Նուրջը կանգնած մարդիկ սարսափած յետ քաշուեցան: Խալիֆը երկար դիտում էր խոնջացած մուրացկին և աշխատում էր ձանաչել իր նախկին հռչակաւոր թշնամուն:

— Սրդեօք ձի՞շտ ես ասում, — կարծես թէ մտածում էր խալիֆը, առանց աչքերը հեռացնելու հերոսից:

— Եթէ ասածդ ճշմարիտ է, ո՞վ մարդ, դու կտրիճ ես, ասաց վերջապէս խալիֆը: Իսկ դու ի՞նչ կանես, շարունակեց նա հեզնութեամբ, եթէ քեզ ցցի վրայ նստացնեմ և եղբօրդ էլ չարծակեմ:

— Ես քո ձեռքումն եմ, մեծ խալիֆ, հանդստութեամբ պատասխանեց Չափարը, թէև պէտք է իմանաս, որ քո երկիրն եմ եկել ո՞չ որպէս թշնամի, այլ որպէս անդէն թափառական: Բայց ես յանձնում եմ ինձ քո իշխանութեան, արա՛ ինչ որ ուզում ես, միայն թէ արծակիր եղբօրս: Նա անմեղ է, նա քո մի զինուորին անգամ չի դիպել, խղճա նրան:

Ո՛հ խալիֆ, Սլլահը թոյլ չի տար, որ նենգութեամբ վերաբերուես իմ խնդրին և ինձ դաւաճանես: Ես ինքս քեզ մօտ եկայ՝ դնելով յոյսս քո ողորմածութեան ու արդարասիրութեան վրայ:

Խալիֆը յօնքերը կիտած լսում էր նրան: Չափարի համարձակութիւնն ու մեծահոգութիւնը, վեհանձնութիւնն ու պարզութիւնը նրան ապշեցրել էին:

Նա մի րոպէ մտածեց, ապա գլուխը բարձրացնելով ասաց.

— Լաւ, վաղը կտեսնենք, իսկ այժմ բռնեցէք զրան, ասաց ծառաներին և պալատ մտաւ: Չափարին շղթայեցին և բանտ տարան:

Թ

Միւս օրը խալիֆն ուղեց ստուղել՝ թէ արդեօք եկողը իրաւ Չափարն էր և հրամայեց, որ անսպասելի կերպով երկու եղբայրներին իրար մօտ բերեն:

Եղբայրները, իրար տեսնելիս, հեկեկացին և զրկախառնուեցան:

— Չափար, Չափար, դո՞ւ էլ այստեղ ես, զառնութեամբ զօչեց Նուրէզդիինը:

Չափարը վճռեց չստել եղբօրը՝ թէ ինչ զիտաւորութեամբ է եկել այնտեղ:



— Մեր խեղճ հայրը, քո կենը շատ են ողբում քեզ համար, սիրելի եղբայրս, ասաց Ջաֆարը:

Նոյն օրը խալիֆը հրաման արձակեց, որ Նուրէդդինին ազատեն, իսկ Ջաֆարին շղթայափակ ծանր փականքների տակ պահեն:

Նուրէդդինը երկինքն օրհնելով դուրս եկաւ բանտից, չիմանալով թէ ի՞նչն էր խալիֆի այդչափ ողորմածութեան պատճառը: Նա խալիֆի մայրաքաղաքում ճանապարհի համար ողորմութիւն հաւաքելիս՝ լսեց իր եղբոր մեծահոգի քաջութեան պատմութիւնը և հասկացաւ, թէ որքան թանկ զնով է ձեռք բերած իր ազատութիւնը: Նորից վերադարձաւ բանտ և սկսեց հարց ու փորձ անել պահապաններին:

Սյդ ժամանակ նա սկսեց յուսահատութեամբ արտասուել և ձեռները կոտրատել: Նա աղաչում էր բանտապետին, որ խալիֆին խնդրէ և փոխել տայ վճիռը: Նրան պատասխանեցին, որ խալիֆը իւր հօր տուած խոստումն է կատարում: Նրա հայրը մահէց առաջ պարտք էր գրել որդու վրայ, որ Ջաֆարից վրէժ առնէ, բայց նա՝ ողորմած խալիֆը՝ յարգելով Ջաֆարի քաջութիւնն ու մեծահոգութիւնը, խնայում է իր և իր երկրի կատաղի թշնամուն և խոս-

տանում է չսպանել, միայն թէ նա փախչելու փորձ չանէ:

Նուրէդդինի դառն դժբաղդութիւնը տեսնելով՝ բանտապետը թոյլ տուեց նրան վերջին անգամ տեսնել եղբորը: Ջաֆարը մնաս բարևի ժամանակ հանդստութեամբ ասաց.

— Գնա՛ խաղաղութեամբ, սիրելի եղբայրս: Ասա՛ հօրս, որ այս դործեցի Սլլահի կամքով: Իմ խիղճը այն ժամանակ միայն կը հանդստանայ, երբ դու վերադառնալով կը մխիթարես հօրս և ընտանիքիդ: Հոււատա՛, որ իմ արածովս խիստ երջանիկ եմ զգում ինձ: Թող Սլլահն օրհնէ քո վերադարձը:

Եւ եղբայրները բաժանուեցան:

Ժ

Եւ ահա Նուրէդդինը դարձեալ իւր հայրենի քաղաքումն է, այնտեղ, ուր վերադառնալու յոյսը բոլորովին կտրել էր:

Յոզնաճ ու տանջուած՝ հաղիւ հասաւ քաղաքի հրապարակը և այստեղ թուլացած զետին ընկաւ ամբոխի մէջ:

Շուտով նրան ճանաչեցին:

Մարդիկ ուրախութեան աղաղակով վազեցին Մահմեդ-Սլիին գանելու, որ աչքի լոյս տան:



Այդ ժամանակ ծերունին՝ Նուրեղլինի կնոջ  
ծեռքից բռնած, քաղաքում ողորմութիւն էր  
հաւաքում:

Լսելով որդու վերադարձը՝ ծերունին գող-  
դոշուն քայլերով հազիւ էր կարողանում հարսի  
յետևից գնար:

Յուզիչ և ուրախալի էր նրանց և Նու-  
րեղլինի տեսակցութիւնը:

Ջափարի վարձուները լսելով՝ Մահմեդ-Ալին  
աչքերը երկինք բարձրացրեց, յայանեց իր շնոր-  
հակալութիւնն Ալլահին և ուրախութեան ու  
սիրոյ արցունքներ երևեցան նրա աչքերում:

— Իմ որդեակս, Ջափարս, ի՞նչպէս եմ  
ուզում սեղմել բեզ կրծքիս: Այժմ, միայն այժմ  
հասար գու ճշմարիտ մեծութեան և անմա-  
հալութեան, որովհետև այդ գործեցիր ուրիշների  
համար և քո անձը մոռացար:

Արդեօք Ջափարը գերութիւնից վերա-  
դարձան թէ ոչ յայանի չէ: Դրա մասին շատ  
տեսակ լուրեր են պտտում:

Իայց նրա հերոսութեան պատմութիւնը  
մինչև մեր օրերը ժողովրդի բերանում կենդանի  
է: Եւ նրա վարձուները յաւիտեանս անմոռա-  
նալի կը մնայ որպէս սիրոյ և ինքնազոհու-  
թեան գեղեցիկ օրինակ:



ԲՃ. Ա. ԲՈՒԴՈՒՂԵԱՆԻ

նոր լոյս տեսած գրքոյկները.

1. Գործար. թէ երկրագործութիւն
2. Մնացաշտութիւն և կախարդութիւն
3. Մտերմական խորհուրդներ պատանիներին
4. Գոյութեան կռիւ (մամուլի տակն է)

ՅՈՎՀԱՆՆԷՍ ԱՐԱՄԵԱՆՑԻ

վերջին հրատարակութիւնները

1. Ընտրութիւն կաթնատունների
2. Ռուզուֆ Վիրխով

Դիմել հայ զբաղանառանոցները:





41135

ՄԵՐ ԷՓԱՆԱԳԻՆ ԳՐԱԴԱՐԱՆԸ

1. Քարը կրգուճ է
2. Ճշմարիտ մեծութիւնը

ԳԻՆՆ Է 7 ԿՈՊ.